

1930 йил
12 МАЙДАН
ЧИҚА
БОШЛАГАН



Тост

Қонунчилик ва ҳуқуқ-тартибот учун!

ЎЗБЕКИСТОН ЖУМҲУРИЯТИ ИИВ ҲАЙЪАТИ НАШРИ

№ 47 — 48
(2584 — 2585)
1993 йил
18 июнь
ЖУМА
СОТУВДА ЭРКИН
НАРҲДА

Халқ соғлиғи — юрт бойлиғи

"Саломатлик — туман бойлик". Мана шу муҳтасар, лекин теран мазмунли мақолда жамият тараққиёти, ижтимоий-сиёсий ва маънавий ҳаётнинг туб маъноси муҳассамлашган. Мамлакат тинч, қудратли ва пойдор бўлиши аввало унинг фуқароси тўқ, соғлом, фаровон ҳаёт кечириб, аҳил яшашига боғлиқ.


Шифокор деган шарафли номни оқлаб келаётган кўпнинг сонли тиббиёт ходимлари орасида вазирлик таркибида ташкил этилган Тиббиёт бошқармаси ходимлари ҳам борлиги мени қувонтиради. Улар инсон эҳтиёжларидан бири — соғлиғини ҳимоя қилиш учун қўлларидан келган барча имкониятларни ишга солаётирлар. Бу бошқарманинг жойлардаги соғлиқни сақлаш идоралари ички ишлар шахсий таркиби саломатлигини тиклаш, мустаҳкамлаш учун энг замонавий аппаратлар ҳамда техника воситалари билан таъминланган.

Ҳарбий шифокорлар сафи ёш, аммо тажрибали, ҳалол ходимлар билан кенгайиб борапти. Оқ халатли шифокорлар беморларни ҳам дори-дармон, ҳам ширин сўз билан даволамоқдалар. Ахир буюк файласуф олим Суқрот: "Қалбни даволамай туриб, тани даволаб бўлмайди" деб бежиз айтмаган-да.

Ҳар йили июнь ойининг учинчи яшанбасида тиббиёт ходимлари анъанавий касб байрамларини кенг нишонлайдилар. Бугун ана шундай шодиёна кун арафасида турибмиз.

Мен шу улуг айёмда халқ ва жамият соғлиғи йўлида ақл-заковати, билими ва тажрибаси, қалб қўрларини бахшида этаётган оқ халатли шифокорларни касб байрамлари билан муборакбод этаман. Саломатлик посбонларига бардамлик, хайрли ишларида омадлар тилаб қоламан.

Ўзбекистон Республикаси ички ишлар Вазирлиги, ички хизмат генерал-лейтенанти
Зокиржон АЛМАТОВ.



Ўзбекистон Республикаси ИИВ стоматология поликлиникасининг шифокор-жарроҳи Жавдот Турсунов билан жарроҳлик ҳамшираси Тина Веселова навбатдаги беморга тиббий ёрдам кўрсатмоқдалар. Тиббиёт ходимлари кунига бағишланган материаллар билан газетамизнинг 3-бетига танишинингиз мумкин.

Яқинда Ички ишлар вазирлигида вазирлик ходимларининг Ўзбекистон Республикаси Президенти ҳузурдаги Жаҳон муаммолари институтининг ректори, юридик фанлари доктори, профессор Акмал Саидов билан учрашуви бўлиб ўтди. Уни ваазир муовини, ички хизмат полковниги Равшан Ҳайдаров очди ва олиб борди.

Жуда қизиқарли тарзда кечган бу учрашувда А. Саидов ўзи раҳбарлик қилаётган институтнинг бу-

УЧРАШУВ

гунги кунда олиб бораётган ишлари, жаҳон ҳуқуқи муаммолари, Ўзбекистоннинг бугунги ижтимоий-иқтисодий аҳволи хусусида тўхталиб ўтди. Йирилганларнинг кўпдан-кўп ва турли мавзудаги саволларига тўлиқ ва атрофлича жавоб берди. Учрашув сўнггида шундай мулоқотларни тез-тез ўтказиб туриш фойдадан холи бўлмаслиги таъкидланди.

ЎЗ МУХБИРИМИЗ.

Икки жума оралиғида

НУКУС ҚУВАЙТ ЭМАС

Нукус шаҳридаги автомобилларга ёнилғи қуйиш станцияси оператори А.С. том маънода беш панжасини оғзига тикди. Иш жойидан нақд 1 миллион 300 минг сўмлик ёнилғи-мойлаш материалларини талон-торож қилиб юборди. Бу шахснинг устидан жиноий иш қўзғатилди.

ЯШИРИЛГАН МОЛЛАР

Қаршидаги 70-дўнон мудирни танқис саноат ва озиқ-овқат маҳсулотларидан нақд 300 минг сўмлигини очик савдодан беркитиб ётган экан. Текшириш пайтида омордан пальто, куртка, калиш, спиртли ичимликлар, чай ва шунга ўхшаш моллар топилди. "Топилдиқ" мудирни ажаблантирди. Энди олиб борилаётган текширишлар натижаси ҳайратлантирса ажаб эмас.

НОМУС ЎЛИМДАН ОҒИР

Бекобод шаҳрида яшовчи йигит кечаси уйига қайтиб, гайритабиий ҳодисанинг устидан чиқди: хотини номаълум эркак билан ётарди. Номусга чиқолмаган эр шаҳар касалхонасида тиббий ҳамшира бўлиб ишловчи хотини ва унинг жазманини болта билан майдалаб ташлади. Шундан сўнг кўчага чиқиб электр линиясини ушлади ва ток уришидан ҳалок бўлди. Жазманининг шахси аниқланмоқда.

Терговни прокуратура олиб бормоқда.

ТОМОҚ ТАҚИЛЛАГАНДА

Навий электрохимкомбинати ходимларидан иккитаси саҳар чоғида касалхонага келтирилди. Улар спиртли ичимликдан заҳарланишган экан. Натижада улардан бири касалхонада вафот этди. Иккинчиси оғир аҳволда ётиб-

ди. Маълум бўлишича, улар улфатчиликда ишхоналаридан олиб чиқилган техника спирти билан "томоқ ҳўллаш"ган экан. Булардан ташқари ўша спиртдан ичган уч киши ўз уйида вафот этган.

Терговни прокуратура олиб бормоқда.

ДАВЛАТ ҲИСОБИДАН МИЛЛИОНЕР БЎЛУВДИ

Избоскан тумани ип газлама комбинати бош ҳисобчиси майдакашликни ўзига эп кўрмади: сохта ҳужжатлар тузиб, комбинатнинг 14 миллион сўм пулини талон-торож қилиб юборди.

"Миллионер"нинг устидан жиноий иш қўзғатилиб, тергов олиб борилмоқда.

ДАРАГИ ЧИҚДИ...

Шу йил 25 апрель кuni уйдан "нўл олти" сини миниб, бедарак кетган, ўшандан буён қидирувда бўлган нафақадорнинг дарағи топилди. Афсуски... 1966 йилда туғилган, шу шаҳарда яшовчи йигит машиналик бўлиб қолиш илинжида уни ўлдириб, жасадини чекка бир жойга кўмиб

юборган экан. Йигит ушланди, машина олинди, тергов кетмоқда.

МАЁВКА

Яккабоғ тумани "Яккақайрағоч" жамоа хўжалиғи ҳайдовчиси ГАЗ-66 белгили машинани тоғли жойдан ҳайдаб кела туриб, Уйғур қишлоғи ёнида йўлдан чиқиб кетди. Тоғ йўлида бу нима эканини биларсиз? Натижада ҳайдовчи ва ўн уч йўловчининг биттаси ҳалок бўлди. Қолганлар касалхонага ётқизилди. Улар, ўзларининг айтишича, маёвқадан қайтишадиган экан. Текширув олиб борилмоқда.

ПУЛ КЕТДИ, ЎЗУК КЕТДИ

Паркент шаҳрилик нафақадорнинг уйига ярим кечаси юзига ниқоб кийган номаълум шахс бостириб кирди. Уй эгасининг қорнига пичоқ санчди, 850 минг сўм пул, никоҳ узуги, норкали телпакни олиб, қандай кириб келган бўлса, шундай гойиб бўлди.

Терговни ИИБ олиб бормоқда.

И. ШОМУРОВОВ.

